



**De Ortv Et Progressv Ac Viris Illvstribvs Ordinis
Gloriosissimæ Dei Genitricis, semper Virginis Mariæ de
monte Carmelo**

Trithemius, Johannes

Coloniae Agrippinae, 1643

Admodvm Reverendo Patri, In Christo Observandissimo, P. F. Alexandro A
lesv Maria, Fratrvm Discalceatorvm, Ordinis Gloriosißimæ Dei Genitricis
semper Virginis Mariæ de monte Carmelo, per Germaniam ...

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)



ADMODVM
REVERENDO PATRI,
IN CHRISTO OBSERVANDISSIMO,
P. F. ALEXANDRO
A IESV MARIA,
FRATRVM DISCALCEATORVM,
Ordinis Gloriosissima Dei Genitricis semper Virginis
MARIÆ de monte CARMELO,
per Germaniam iterata vice
PROVINCIALI DIGNISSIMO.



ARMELVM, admodum R. PATER,
montem illum Syriæ nobilissimum, mi-
rum est quantis, cælotenus, laudibus
efferant, cum antiqui, tum moderni Cos-
mographi. Id autem palmarium est, nec
ipsum quidem calamum Scribæ velociter scribentis
ijs abstinuisset: sed maximas, ac vberimas, varijs scri-
pturæ suæ areolis inspersisset: eius nunc amœnitatem
laudans, nunc commendans vbertatem, modo etiam,
ad mysticos Sponsæ suæ decores exprimendos, sym-
bola exinde & parallelas, desumens.

Verum hæc, quantumvis excelsa, collata tamen
cum ijs, quibus non iam mons ipse, sed eius incolæ
potissimum claruere, mera prorsus crepundia sunt:
tanto vtiq; inferiora, quanto corporalia spirituali-
bus, terrestria cœlestibus, fluxa & caduca sempiter-
nis. Bonum factum, & hæc quoque suos habuisse

EPISTOLA

Encomiastes, qui stylo vindice, tantum Orbi thesaurum recluserunt, & nobis, quibus ea videre, per ætatem non licuit, temporis iniuriam detraxerunt.

In quo, optimè meriti, non modo de toto CARMELI Ordine, sed vniuersa plane Ecclesia, mihi videntur *Spanheimensis Abbas* Ordinis S. Benedicti, & *R. Admodum P. Ioannes de Carthagena* Ordinis Seraphici, qui eiusmodi non quidem ex integro, sed optimè tamen ac ex professo tractantes, Religioni prædictæ affatim splendoris, toti vero Ecclesiæ plurimum utilitatis attulerunt. Quapropter simul etiam, vt specialem quo sum in candidum CARMELI Ordinem affectum, hac veluti antipochâ profiterer, coniunxi typo, quos argumentum commiserat: & quia teste veritate, *in ore duorum, vel trium testium stat omne verbum*, binos ac duntaxat produxi: porro ambos pientissimos, doctissimos, & (quod rem simul ac fidem facit) externos, denique omni exceptione maiores. *Auberti* vero *Miræi* Tractatum, & alios in quos postea præter intentionem incidi, hisce tanquam ascititia emblemata in seui, Tibi quæ; Admodum Reu. in Christo P. eò simul omnes dicatos volui, quod nemo alius mihi aptior occurrere posse videretur. Consideranti quippe & expendenti mihi, operis huius institutum, scopumque, Tuæ Adm. Reu. Patern. hoc ipso maxime deberi iudicavi. quid enim? nonne eundem sibi scopum hic liber præfixum habet, in quem Tu quoque non minus feliciter, quam solerter collimas? scriptus namque ad illustrandum ac exornandum CARMELVM Carmeliticumque institutum, cuius Tu vigorem decoremve indefessa cura sollicitudineque adau-

N V N C V P A T O R I A .

adaugere studes: & quod ille verbis, Tu factis præ-
clarè præstas. Taceo, huc me etiam impulisse, ipsa
quibus immensum ornaris, animi tui decora, & vir-
tutum tuarum merita; quarum, cum hic elogium
attexere, singularis & ingenuus modestiæ tuæ pudor
animique demissio non patiatur, hoc vnum insinua-
se sufficiat, Te quondam Ven. P. DOMINICI à LESV
MARIA (viri ob prodigiosam vitæ sanctitatem toto
Orbe celeberrimi) comitem individuum fuisse, il-
liusque entheum spiritum, pleno, quod aiunt, ore
imbibisse. Hinc tua illa morum integritas, Religio-
nis zelus, hinc animi candor & humilitas, hinc pru-
dentia & pietas, cæteraque virtutum tuarum orna-
menta. Excipies Tu, Reu. Adm. P. hoc qualecunque
munus, solitaque benevolentia, suo cum datore com-
plecteris: qui æternum se Clientem profitebitur,
Te Patronum. Vale. COLONIÆ AGRIPPINÆ,
ipso Conuersionis S. PAVLI Apostoli festo. Anno
reparatæ salutis, Cl. DC. XLIII.

Admod. Reu. P. V.

Addictissimus

IODOCVS KALCKOVEN
Ciuis & Bibliopola
Coloniens.

):(3

APPRO-